

<<ՍԵՅՍՄԻԿ ՊԱՇՏՊԱՆՈՒԹՅԱՆ ԾԱՌԱՅՈՒԹՅՈՒՆ>> ԾՐԱԳՐԻ (ԲՅՈՒՋԵՏԱՅԻՆ

ԴԱՍԱԿԱՐԳՄԱՆ ԲԱԺԻՆ- 01, ԽՈՒՄԲ -06, ԴԱՍ-01)

ԻՐԱԿԱՆԱՑՄԱՆ ՀԱՄԱՐ ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ

ՏՐԱՄԱԴՐՎՈՂ ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ

ք.Երևան

« 10 » 01 2022թ.

ՀՀ արտակարգ իրավիճակների նախարարությունը (այսուհետ՝ Նախարարություն), ի դեմս գլխավոր քարտուղար Լ. Միրզախանյանի, որը գործում է Նախարարության կանոնադրության հիման վրա (այսուհետ՝ Նախարարություն), մի կողմից և «Սեյսմիկ պաշտպանության տարածքային ծառայություն» պետական ոչ առևտրային կազմակերպությունը (այսուհետ՝ Կազմակերպություն), ի դեմս տնօրեն Ս.Մարգարյանի, որը գործում է Կազմակերպություն կանոնադրության հիման վրա, մյուս կողմից, համաձայն «Հայաստանի Հանրապետության 2022 թվականի պետական բյուջեի մասին» ՀՀ օրենքի և ՀՀ կառավարության 2021 թվականի դեկտեմբերի 23-ի N2121-Ն որոշման, կնքեցին սույն պայմանագիրը (այսուհետ՝ Պայմանագիր) հետևյալի մասին.

**1. Պայմանագրի առարկան**

1.1 Պայմանագրով Կազմակերպությունը պարտավորվում է «Սեյսմիկ պաշտպանության ծառայություն» ծրագրի իրականացման աշխատանքները (այսուհետ՝ Աշխատանքներ) կատարել սույն պայմանագրով նախատեսված կարգով և ժամկետներում, իսկ Նախարարությունը պարտավորվում է Աշխատանքների իրականացման համար Կազմակերպությանը տրամադրել «Հայաստանի Հանրապետության 2022 թվականի պետական բյուջեի մասին» ՀՀ օրենքով նախատեսված պետության կողմից դրամաշնորհի հատկացման ձևով ֆինանսական աջակցություն,

1.2 Կազմակերպությունը պարտավոր է Աշխատանքներն իրականացնելիս ստացված և գաղտնի ճանաչված տեղեկություններն օգտագործել «Պետական և ծառայողական գաղտնիքի մասին» ՀՀ օրենքով սահմանված կարգով:

1.3 Աշխատանքներն իրականացվում է Պայմանագրի անբաժանելի մաս հանդիսացող Հավելված N1-ին և Հավելված N2-ին համապատասխան:

## 2. Կողմերի իրավունքներն ու պարտավորությունները

### 2.1. Նախարարությունն իրավունք ունի՝

2.1.1. Օգտագործել Աշխատանքների արդյունքները,

2.1.2. Կազմակերպությունից պահանջել ներկայացնել ՀՀ օրենսդրությամբ և այլ իրավական ակտերով նախատեսված ձևով ու կարգով ամսական, եռամսյակային և տարեկան հաշվետվություններ հավելված N1-ում նշված բովանդակության համապատասխան,

2.1.3. Կազմակերպությունից պարբերաբար պահանջել և ստանալ տեղեկատվություն սույն Պայմանագրի կատարման ընթացքի մասին,

2.1.4. Իր իրավասությունների սահմաններում կասեցնել Կազմակերպության կողմից ոչ պատշաճ ձևով կամ կարգով կատարվող աշխատանքները,

2.1.5. Վերահսկել Կազմակերպությանն հատկացված դրամական միջոցների նպատակային օգտագործումը,

2.1.6. Կազմակերպությունից պահանջել Աշխատանքները կատարել սույն պայմանագրի 4-րդ կետում նշված ժամկետում:

### 2.2. Նախարարությունը պարտավոր է՝

2.2.1. Իր և Կազմակերպության կանոնադրություններով սահմանված կարգով, ձևով ու չափերով Կազմակերպությանը ցուցաբերել մեթոդական և կազմակերպական օգնություն:

### 2.3 Կազմակերպությունը պարտավոր է՝

2.3.1. Պայմանագրի շրջանակներում ստացված ֆինանսական աջակցությունն օգտագործել միայն Աշխատանքների իրականացման համար,

2.3.2. Նախարարության հետ համաձայնեցնել երրորդ անձանց պատկանող մտավոր գործունեության պահպանվող արդյունքների օգտագործման, դրանց օգտագործման համար իրավունքների ձեռք բերման անհրաժեշտությունը.

2.3.3. Իր ուժերով և իր հաշվին վերացնել Աշխատանքների կատարման ընթացքում իր մեղքով թույլ տված այն թերությունները, որոնք կարող են հանգեցնել ծրագրով նախատեսված միջոցառումներից շեղումների,

2.3.4. Նախարարությանն անհապաղ տեղեկացնել Աշխատանքների սպասվելիք արդյունքի ստացման անհնարինության հայտնաբերման կամ Աշխատանքները շարունակելու աննպատակահարմարության մասին,

2.3.5. Նախարարությանը հանձնել Աշխատանքների արդյունքները՝ չխախտելով այլ անձանց իրավունքները,

2.3.6. ՀՀ օրենսդրությամբ և այլ իրավական ակտերով նախատեսված ձևով ու կարգով Նախարարություն ներկայացնել ամսական, եռամսյակային և տարեկան հաշվետվություններ և տեղեկատվություն Պայմանագրի կատարման ընթացքի մասին:

### **3. Ֆինանսական աջակցության չափը և կարգը**

3.1. Կազմակերպության աշխատանքների իրականացման ֆինանսական աջակցությունն ըստ Պայմանագրին կից նախահաշվի կազմում է ընդամենը 679318900 (վեց հարյուր յոթանասունինը միլիոն երեք հարյուր տասնութ հազար ինը հարյուր ) դրամ, այդ թվում ըստ «Հայաստանի Հանրապետության 2022 թվականի պետական բյուջեի մասին» ՀՀ օրենքի՝ 675839400 (վեց հարյուր յոթանասունհինգ միլիոն ութ հարյուր երեսունինը հազար չորս հարյուր) ՀՀ դրամ և 01.01.2022 թ.դրամական միջոցների ազատ մնացորդի հաշվին՝ 3479500 ( երեք միլիոն չորս հարյուր յոթանասունինը հազար հինգ հարյուր ) դրամ : Կազմակերպության ձեռնարկատիրական գործունեությունից 01.01.2022 թ. դրամական միջոցների ազատ մնացորդը կազմում է 3874300 դրամ ( երեք միլիոն ութ հարյուր յոթանասուն չորս հազար երեք հարյուր ) ՀՀ դրամ :

3.2. Կազմակերպության կողմից Աշխատանքներն իրականացվում են հաշվետու տարվա ընթացքում, իսկ վճարումներն իրականացվում են ամսական՝ կանխավճարային ձևով, յուրաքանչյուր ամսվա առաջին տասն աշխատանքային օրվա ընթացքում, բացառությամբ 2022 թվական հունվար և դեկտեմբեր ամիսների՝ հատկացվելիք գումարը տրամադրվում է համապատասխանաբար մինչև փետրվարի առաջին տասնհինգ աշխատանքային օրվա և դեկտեմբերի 15-ն ընկած ժամանակահատվածում:

3.3. ՊՈԱԿ-ի թափուր հաստիքների լրացման պարագայում ծախսերի նախահաշվով նախատեսված աշխատավարձի ֆոնդի պակասորդը կլրացվի ՊՈԱԿ-ի ձեռնարկատիրական գործունեությունից ստացված եկամուտներից:

3.4. Սույն պայմանագրով նախատեսված միջոցառումների տարեկան արդյունքները ընդունվելուց հետո, ՊՈԱԿ-ը միջոցառումների իրականացման արդյունքում առաջացած տնտեսումները/խնայողությունները վերադարձնում է Հայաստանի Հանրապետության պետական բյուջե՝ ոչ ուշ, քան մինչև 2022թ. թվականի դեկտեմբերի 24-ը:

3.5. Ավելացված արժեքի հարկի վճարման համար նախատեսված հատկացումների գծով չօգտագործված գումարները մինչև 2022 թվականի դեկտեմբերի 24-ը ենթակա են վերադարձման Հայաստանի Հանրապետության պետական բյուջե: Կազմակերպությունը մինչև 2023 թվականի հունվարի 31-ը Նախարարությանն է ներկայացնում տեղեկատվություն Պայմանագրի շրջանակներում հաշվարկված և պետական բյուջե վճարված ԱԱՀ գումարների, ինչպես նաև Օրենքի 7-րդ հոդվածի 22-րդ մաս պահանջներին համապատասխան չօգտագործված և ՀՀ պետական բյուջե վերադարձված գումարների վերաբերյալ:

#### **4. Պայմանագրի գործողության ժամկետը**

4.1. Պայմանագիրն ուժի մեջ է մտնում ստորագրման պահից, տարածվում է 2022թ. հունվարի 1-ից հետո ծագած հարաբերությունների վրա, գործում է մինչև 2022 թ. դեկտեմբերի 31-ը:

#### **5. Աշխատանքների հանձնման և ընդունման կարգը**

5.1. Աշխատանքների իրականացման ընթացիկ և վերջնական արդյունքները Կազմակերպության կողմից հանձնվում և Նախարարության կողմից ընդունվում են Կոլեգիալ կառավարման մարմնի դրական եզրակացության հիման վրա:

#### **6. Կողմերի պատասխանատվությունը**

6.1. Կողմերը Պայմանագրով նախատեսված պարտավորությունները չկատարելու կամ անպատշաճ կատարելու դեպքում կրում են պատասխանատվություն ՀՀ օրենսդրությամբ սահմանված կարգով:

#### **7. Վեճերի լուծման կարգը**

7.1. Պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերի լուծումը կատարվում է Հայաստանի Հանրապետության օրենսդրությամբ սահմանված կարգով:

## 8. Այլ պայմաններ

8.1. Կազմակերպությունն իրավունք չունի առանց Նախարարության գրավոր համաձայնության այլ Կազմակերպություններին, հիմնարկներին և երրորդ անձանց հանձնել Պայմանագրի շրջանակներում կատարված Աշխատանքների արդյունքները:

8.2. Աշխատանքների կատարմանը երրորդ անձինք կարող են ներգրավվել միայն Նախարարության համաձայնությամբ:

8.3. Պայմանագրի պայմանների փոփոխումը, լրացումը կամ գործողության դադարեցումը իրականացվում է կողմերի գրավոր համաձայնությամբ:

8.4. Պայմանագիրը կնքված է հայերեն լեզվով, 2 (երկու) օրինակից, որոնք ունեն հավասարազոր իրավաբանական ուժ: Յուրաքանչյուր կողմին տրվում է մեկական օրինակ:

ՀՀ արտակարգ իրավիճակների  
նախարարություն  
Հասցեն՝ ք.Երևան, Դավթաշեն 4-րդ  
թաղամաս, Անաստաս Միկոյանի փողոց  
109/8

Հ/հ 900011001311  
ՀՀ ֆինանսների նախարարության  
գործառնական վարչություն  
ՀՎՀՀ 00153247

ՀՀ արտակարգ իրավիճակների  
Նախարարության գլխավոր քարտուղար



Լ.Միրզախանյան

«Սեյսմիկ պաշտպանության  
տարածքային ծառայություն» ՊՈԱԿ  
Հասցեն՝ ք.Երևան, Ծիծեռնակաբերդի  
խճուղի 8/1

Հ/Հ 900018003443  
ՀՀ ֆինանսների նախարարության  
գործառնական վարչություն  
ՀՎՀՀ 01224751

Տնօրեն



Ս.Մարգարյան

ՀԱՍՏԱՏՈՒՄ ԵՄ  
ԱԻՆ գլխավոր  
քարտուղար  
Լ.Միրզախանյան  
2022 թ.



ՀՀ ԱԻՆ «Սեյսմիկ պաշտպանության տարածքային ծառայություն» ՊՈԱԿ-ի կողմից,  
պայմանագրի շրջանակներում ՀՀ տարածքում սեյսմիկ ռիսկի կանխատեսման, գնահատման  
և նվազեցման նպատակով իրականացվող աշխատանքների քանակական ցուցանիշերը

N	Մատուցվող ծառայությունը	Ցուցանիշը
1	Երկրաֆիզիկական, երկրադինամիկական և այլ դաշտերի մոնիտորինգ, սեյսմիկ վտանգի, այդ թվում ընթացիկ սեյսմիկ վտանգի, գնահատում(դիտարկումների թիվը)	<b>480000</b>
2	Սեյսմիկ ռիսկի ու դրա բաղադրիչների գնահատման համար տվյալների թվային բազաների ստեղծում, գնահատում, քարտեզագրում և ռիսկի նվազեցման առաջարկների ներկայացում (բնակավայրերի կամ օբյեկտների թիվը)	<b>10</b>
3	Գրունտների ուժեղ շարժումների մոնիտորինգ(կայանների թիվը)	<b>32</b>
4	Սեյսմիկ պաշտ. տարրերի և վարքականնոնների ուսուցանում, ՏԻՄ-երի աշխատողների նախապատրաստում (միջոցառումների թիվը)	<b>385</b>
5	Հատուկ և կարևոր նշանակության օբյեկտների վերաբերյալ տվյալների հավաքում, թվային բազաների ստեղծում և դրանց սեյսմիկ խոցելիության գնահատում (օբյեկտների թիվը)	<b>70</b>
6	Ընդհանուր նշանակության օբյեկտների վերաբերյալ տվյալների հավաքում, թվային բազաների ստեղծում և դրանց սեյսմիկ խոցելիության գնահատում (օբյեկտների թիվը)	<b>40</b>

Տնօրեն




Ս.Մարգարյան